

Gûdetôjok inôjok miksekârtorlo nangminek Gûdigijak-sarigaptigo tunidjivigijaksarivlugolo nertornarnermik tâpsomunga kissianut pijaksamik.

b. Perk. aipangata sumik ajokertorpâtigût? Anernerne miksekârnerimelo Gûde tuksiarvigijaksarigaptigo, adsingoat sennasimajullônêt inungnut attornagit, piusekarlutalo sôrlo tâmna nangminek perkojingmat.

c. Perk. pingajuata sumik ajokertorpâtigût? Kangalônêt okarnerlutji juksaunginapta, okautsiniglônêt ivsornartunik okartuksaunginapta, kissianele kamajuksaugapta attortuksauvlutalo Gûdib attinganik ivsornaitomik opigosudlarneme.

d. Perkojat sittamangata sunamik ajokertorpâtigût? Attaruilijuksaugapta sulliaksarijaptingne wochib uvlungine 6ine, uvlorle attausek ingmigolingatitaksarigaptigo merngoersernerimut tuksiarnermullo. Wochiblo uvlungita sivorlerpângane Jesuse tokungajunit makki-simangmat, Kristusemiut uvlok tamanna uvlok siorviovivât, Nâlekab uvlunganik tailugo.

e. Perk. tellimangata sumik ajokertorpâtigût? Gûdib opigosuktut nâlektullo angajokâmingnik piluartertomik pitsiarvigidlarmagit.

f. Perk. 6ingata sumik ajokertorpâtigût? Iub inosinga ivlerijaksarigaptigo Gûdib pingatut, ômisungnerlo âniatitsinerlônêt inukatiptingnut, il'a omigijiptingnut aglât attornagik, piniartuksaugapta